

**UCAPAN LT. KOL. PROF. DATO' DR. KAMARUDIN HUSSIN SEMPENA
MAJLIS SAMBUTAN SISWA SISWI BARU SIDANG AKADEMIK 2004/2005
KOLEJ UNIVERSITI KEJURUTERAAN UTARA MALAYSIA (KUKUM) DI
DEWAN SIVIK, ARAU, PERLIS PADA 16 JUN 2004.**

BISMILLAH HIRRAHMAN NIRRAHIM

ASSALAMUALAIKUM WARAHMATULLAHI TAALA WABARAKATUH DAN SELAMAT SEJAHTERA.

**YANG BERBAHAGIA,
PROF. DR. ALI YEON MD SHAKAFF,
TIMBALAN REKTOR AKADEMIK**

**YANG BERUSAHA TUAN HAJI AYOB ISMAIL,
BENDAHARI KUKUM,**

**YANG BERUSAHA PUAN HAJJAH FOYZIAH AHMAD NASURUDIN,
KETUA PUSTAKAWAN KUKUM,**

**YANG BERUSAHA,
DEKAN-DEKAN PUSAT PENGAJIAN, PENGARAH-PENGARAH DAN
KETUA-KETUA JABATAN DAN PARA PENSYARAH,**

**BARISAN URUSETIA MINGGU SUIAIKENAL SERTA PEMBANTU-
PEMBANTU PELAJAR MINGGU SUIAIKENAL (PPMS),**

**YANG DIKASIHI PELAJAR-PELAJAR BARU KOLEJ UNIVERSITI
KEJURUTERAAN UTARA MALAYSIA SIDANG AKADEMIK 2004/2005.**

BERSYUKUR KITA KE HADRAT ALLAH S.W.T DENGAN LIMPAN KURNIA DAN KEIZINAN-NYA DAPAT KITA BERKUMPUL PADA PAGI INI DALAM SUASANA YANG PENUH KECERIAAN DAN KETENANGAN. TERLEBIH DAHULU SAYA INGIN MENGAMBIL KESEMPATAN INI UNTUK MENGUCAPKAN SELAMAT DATANG KEPADA SEMUA PELAJAR BARU KUKUM BAGI SIDANG AKADEMIK 2004/2005. TIDAK LUPA JUGA UCAPAN TAHNIAH KERANA BERJAYA MELANJUTKAN PELAJARAN DI PERINGKAT IJAZAH SETELAH MENAMATKAN PENGAJIAN DI PERINGKAT DIPLOMA, MATRIKULASI DAN SIJIL TINGGI PELAJARAN MALAYSIA.

SAUDARA-SAUDARI SEKELIAN,

KUKUM BERBANGGA DENGAN MOTO ‘ILMU, KEIKHLASAN, KECEMERLANGAN’. ILMU MENJADI PENERAJU AMAL YANG DIAMANAHKAN OLEH TUHAN, MANAKALA KEIKHLASAN KEPADANYA MENDASARI PENEROKAAN ILMU. KECEMERLANGAN AKAN LAHIR DENGAN SENDIRINYA SEKIRANYA ILMU DAN KEIKHLASAN DIHAYATI SERTA DIAMALKAN DENGAN SEWAJARNYA. ADALAH DIHARAPKAN AGAR SEGALA HASIL YANG DIJANA OLEH WARGA KUKUM DAPAT DIMANFAATKAN OLEH NEGARA DAN SETERUSNYA DUNIA. INILAH YANG MENJADI HARAPAN KUKUM KEPADA SEMUA PELAJAR-PELAJAR BARU UNTUK BERSAMA-SAMA MENGHAYATI MOTO ‘ILMU, KEIKHLASAN DAN KECEMERLANGAN’ SEPERTI MANA YANG KITA SAMA-SAMA NYANYIKAN DALAM LAGU RASMI KUKUM, ‘WAWASANKU’ SEBENTAR TADI.

KUKUM JUGA TELAH MENGARISKAN SATU MISI YANG AKAN TERUS BERUSAHA UNTUK MEREALISASIKAN ASPIRASI NEGARA DAN MENYUMBANG KE ARAH KETAMADUNAN DUNIA. SEBAGAI PELAJAR-PELAJAR BARU DI KUKUM, SAUDARA/I DIHARAPKAN DAPAT MEMAHAMI DAN MENGHAYATI MISI INI SEBAGAI PANDUAN UTAMA UNTUK KITA SEMUA WARGA KUKUM BERGERAK SEIRING MENCIPTA KEJAYAAN DAN KECEMERLANGAN. SEHUBUNGAN ITU JUGA, VISI KITA IALAH MENJADI INSTITUSI AKADEMIK DAN PENYELIDIKAN YANG BERTARAF DUNIA BAGI MENJANA PEMIMPIN TERBILANG NEGARA.

PENGLIBATAN SAUDARA/I DALAM MINGGU SUIKENAL INI SEIDIKIT SEBANYAK MEMBANTU UNTUK MENYESUAIKAN DIRI DENGAN KEHIDUPAN DI KAMPUS KUKUM YANG BERKONSEPKAN ‘DISTRIBUTED CAMPUS’, YANG MANA SELURUH NEGERI PERLIS INI MENJADI PERKARANGAN KAMPUS KITA, SESUAI DENGAN IMPIAN KERAJAAN NEGERI PERLIS UNTUK MENJADIKAN NEGERI PERLIS SEBAGAI ‘NEGERI ILMU’. SELAIN ITU, KONSEP INI MERUPAKAN KONSEP YANG BERNAS DAN BOLEH DIMANFAATKAN DENGAN SEBAIK-BAIKNYA OLEH SEMUA PELAJAR BARU. DALAM KEHIDUPAN MANUSIA, KITA PERLU MENGHAYATI PEPATAH YANG MENYEBUT ‘BERSUSAH-SUSAH DAHULU DAN BERSENANG-SENANG KEMUDIAN’ AGAR SETIAP KITA INSAF SERTA SEDAR BAHAWA UNTUK BERJAYA TIDAK ADA JALAN MUDAH SEBALIKNYA TERPAKSA MENEMPUH KEPAYAHAN DAHULU. OLEH ITU, SEMUA PELAJAR BARU SEHARUSNYA MENGAMBIL IKHTIBAR DAN MENJADIKAN KONSEP ‘DISTRIBUTED CAMPUS’ KUKUM INI SEBAGAI CABARAN UNTUK AKHIRNYA BERUSAHA MENCAPAI KECEMERLANGAN DALAM PENGAJIAN MASING-MASING.

WALAUPUN BEGITU, KUKUM TETAP MENYEDIAKAN KEMUDAHAN DAN PRASARANA YANG SEBAIK MUNGKIN BAGI MEMASTIKAN SETIAP PELAJAR BARU MENIKMATI KESELESAAN SEPANJANG BERADA DI KAMPUS KUKUM. UMPAMANYA, PERKHIDMATAN BAS YANG BERJADUAL SENTIASA DIPERBAIKI DAN DITAMBAH JUMLAHNYA BAGI MEMASTIKAN PERGERAKAN PELAJAR-PELAJAR KE SETIAP CAWANGAN DI KAMPUS KUKUM YANG TERAGIH INI TIDAK TERJEJAS. SELAN ITU, KOLEJ KEDIAMAN PELAJAR SENTIASA DIPERTINGKATKAN PERKHIDMATAN DAN KEMUDAHANNYA DARI MASA KE SEMASA BAGI MEMASTIKAN KESELESAAN DAN KUALITI PENGINAPAN PELAJAR TERJAMIN. BEGITU JUGA DENGAN SETIAP KEMUDAHAN PEMBELAJARAN PELAJAR-PELAJAR AKAN SENTIASA DIPASTIKAN BERKUALITI DAN MENCUKUPI.

UNTUK MAKLUMAN SAUDARA/I MULAI SAAT INI HINGGA TAHUN 2007, SEBANYAK 12 SASARAN UMUM TELAH DIKENAL PASTI UNTUK DICAPAI OLEH KUKUM. DI ANTARANYA IALAH SASARAN KE EMPAT IAITU KUKUM AKAN BERUSAHA MELAHIRKAN GRADUAN YANG MEMPUNYAI CIRI-CIRI UNGGUL DAN HEBAT SEPERTI MEMPUNYAI NILAI KEMPIMPINAN YANG TINGGI, MAMPU BERTINDAK DAN BERFIKIR SECARA RASIONAL DAN BIJAKSANA, MEMPUNYAI NILAI JATIDIRI YANG UTUH SERTA BERKUALITI DALAM BIDANG ILMU DAN KEMAHIRAN. UNTUK INI, KUKUM AKAN MELIBATKAN SEMUA PELAJAR DALAM AKTIVITI KHIDMAT MASYARAKAT SERTA MENERAPKAN IMEJ PROFESIONALISME DI KALANGAN PELAJAR SEPANJANG TEMPOH PENGAJIAN MEREKA DI SINI. DI SAMPING ITU KITA AKAN MEMPERKENALKAN KURSUS ATAU SEMINAR PENDIDIKAN MORAL DAN ETIKA. KUKUM AKAN CUBA MENERAPKAN NILAI-NILAI PRIHATIN TERHADAP ALAM SEKITAR, MELAKSANAKAN KURSUS, BENGKEL DAN PROGRAM YANG DAPAT MEMBENTUK KEYAKINAN DIRI DAN KEPERIBADIAN YANG TINGGI DAN MULIA SERTA BERJIWA PATRIOTIK.

JUSTERU ITU, SEKALI LAGI SAYA INGIN MENASIHATI SEMUA PELAJAR BARU AGAR MENJADIKAN SETIAP KEPAYAHAN DALAM KEHIDUPAN INI SEBAGAI SATU CABARAN UNTUK DIHADAPI DAN BUKANNYA SATU MASALAH BESAR YANG AKHIRNYA MENGHALANG DAN MENJEJASKAN PRESTASI SAUDARA/I. SEANDAINYA KITA BERUSAHA MENEMPUH DAN MENGATASI SEGALA CABARAN YANG DIHADAPI MAKA SUDAH PASTI PEMIKIRAN DAN TINGKAH LAKU KITA AKAN MENJADI LEBIH MATANG, BIJAKSANA DAN CEMERLANG. SEBALIKNYA JIKA KITA MENGANGGAP MASALAH SEBAGAI HALANGAN MAKA YANG SEBENARNYA KITA BELUM BERSEDIA MENJADIKAN PEMIKIRAN DAN HIDUP KITA KE ARAH KEMATANGAN KERANA MASALAH AKAN ADA DI MANA-MANA TETAPI KEUPAYAAN KITA MENANGANINYA ADALAH CABARAN SEBENAR DALAM KEHIDUPAN.

INILAH YANG TELAH DIBUKTIKAN OLEH TIGA KEMASUKAN PELAJAR-PELAJAR KUKUM SEBELUM INI IAITU PADA BULAN JUN 2002, JUN 2003 DAN BULAN NOVEMBER 2003. BARISAN PPMS (PEMBANTU PELAJAR MINGGU SUAIKENAL) INI UMPAMANYA MEWAKILI KESELURUHAN PELAJAR KUKUM UNTUK SAMA-SAMA MEMBANTU KUKUM MENJAYAKAN SETIAP PROGRAM YANG DILAKSANAKAN. KOMITMEN DAN PENGORBANAN MEREKA INI MEMBUKTIKAN BAHAWA KEHIDUPAN DI KAMPUS KUKUM BANYAK MENGAJAR ERTI KEHIDUPAN YANG SEBENARNYA WALAUPUN DALAM KONSEP KAMPUS YANG TERAGIH.

BAGI MEMBANTU SAUDARA/I MENYESUAIKAN DIRI DENGAN SUASANA KAMPUS TERAGIH INI, PIHAK JABATAN HAL EHWAL PELAJAR TELAH MENGAMBIL INISIATIF DENGAN MENERBITKAN SEBUAH BUKU YANG BERJUDUL ‘ KEMAHIRAN PEMBELAJARAN DI PERSEKITARAN KAMPUS TERAGIH’. BUKU INI AKAN DIEDARKAN KEPADA SAUDARA/I TANPA DIKENAKAN SEBARANG BAYARAN. APA YANG DIHARAPKAN IALAH DENGAN ADANYA BUKU INI, IA AKAN DAPAT MEMBERI RUJUKAN KEPADA SAUDARA/I DALAM MENJALANI KEHIDUPAN DI KUKUM DEMI MEMAJUKAN DIRI DI DALAM BIDANG KEJURUTERAAN DAN JUGA DAPAT MENCAPAI TAHAP AKADEMIK YANG LEBIH BAIK DARIPADA GRADUAN UNIVERSITI LAIN.

SAUDARA/I SEKALIAN,

SEPERTIMANA YANG KITA SEMUA SEDIA MAKLUM, PERKEMBANGAN SEKTOR INDUSTRI DAN PENINGKATAN KEPERLUAN PEMBANGUNAN DI NEGARA INI MEMERLUKAN TENAGA KERJA BERKEMAHIRAN TINGGI DALAM BIDANG SAINS DAN TEKNOLOGI. SEGALA KEMUDAHAN, KEMEWAHAN DAN KESENYANGAN HIDUP YANG KITA NIKMATI SEKARANG BUKAN LAH MILIK KITA YANG ABADI SEKIRANYA TEKNOLOGI YANG MENDASARINYA TIDAK KITA KUASAI. WALAUPUN NEGARA INI SUDAH MENCAPAI BANYAK KEMAJUAN, NAMUN BEGITU KITA SEBENARNYA MASIH LAGI KEKURANGAN, TERUTAMA SEKALI DARI SEGI SUMBER GUNA TENAGA MANUSIA YANG PINTAR, BERKEBOLEHAN SERTA BERKEMAHIRAN TINGGI. MALAYSIA MASIH LAGI MEMERLUKAN LEBIH DARI 137 RIBU ORANG JURUTERA MAHIR DALAM PELBAGAI BIDANG. SEBOLEH-BOLEHNYA, KITA TIDAK MAHU JURUTERA-JURUTERA MAHIR YANG DIPERLUKAN INI TERPAKSA DIIMPORT DARI NEGARA LUAR. KITA MAHU ANAK-ANAK WATAN MALAYSIA SENDIRI UNTUK MEMIMPIN KITA DI ARENA SAINS DAN TEKNOLOGI. INILAH YANG MENJADI HARAPAN DAN MATLAMAT KUKUM KEPADA SEMUA PELAJAR BARU.

BERTEPATAN DENGAN PUCUK PIMPINAN BARU NEGARA YANG KITA CINTAI ADALAH DIHARAPKAN SEMUA PELAJAR BARU BERTEKAD UNTUK TERUS BERUSAHA GIGIH MENCAPAI KECEMERLANGAN DIRI, AGAMA, BANGSA DAN TANAH AIR. SUDAH PASTINYA, KITA TIDAK MELUPAKAN JASA DAN SUMBANGAN TUN DR. MAHATHIR MOHAMAD, BEKAS PERDANA MENTERI KITA YANG KE-EMPAT, CUKUP GIGIH MEMBANGUNKAN DAN MEMAJUKAN NEGARA KITA, MALAYSIA. KINI KITA BERSAMA-SAMA Y.A.B DATO' SERI ABDULLAH AHMAD BADAWI, PERDANA MENTERI MALAYSIA KELIMA UNTUK MEMACU DAN MEMANTAPKAN LAGI KEMAJUAN YANG TELAH DIUSAHAKAN OLEH KEPIMPINAN TUN DR. MAHATHIR. SEANDAINYA KITA BERCITA-CITA UNTUK TERUS HIDUP DALAM KEADAAN AMAN, SEJAHTERA, MAJU DAN MAKMUR SEPERTIMANA DI BAWAH KEPIMPINAN TUN. DR. MAHATHIR MAKA MULAI SEKARANG KITA PERLU BERTEKAD UNTUK TERUS MENYUMBANG DAN MEMBANTU KE ARAH KESEJAHTERAAN DAN KEMAKMURAN NEGARA DI BAWAH KEPIMPINAN Y.A.B DATO' SERI ABDULLAH AHMAD BADAWI.

AKHIR KATA, SEKALI LAGI SAYA INGIN MENGALU-ALUKAN KEDATANGAN SAUDARA/I PELAJAR-PELAJAR BARU KUKUM KE KAMPUS KUKUM. SESUNGGUHNYA KEDATANGAN SAUDARA/I AMAT DINANTI-NANTIKAN OLEH SELURUH WARGA KUKUM BAGI KITA BERSAMA-SAMA MENAMBAHKAN WARGA KITA DAN SETERUSNYA SEIRING BERUSAHA MENCAPAI KEJAYAAN DAN KECEMERLANGAN. SAYA JUGA INGIN MERAKAMKAN SETINGGI-TINGGI PENGHARGAAN DAN TERIMA KASIH KEPADA JABATAN HAL EHWAL PELAJAR YANG TELAH BERUSAHA DENGAN GIGIH MELAKSANAKAN MINGGU SUIAIKENAL INI DENGAN JAYANYA. BEGITU JUGA KEPADA BARISAN PPMS YANG TERIDIRI DARIPADA PELAJAR-PELAJAR SENIOR KUKUM, DIUCAPKAN BERBANYAK-BANYAK TERIMA KASIH KERANA SANGGUP MENGORBANKAN MASA CUTI SEMESTER MEREKA UNTUK SAMA-SAMA MEMBANTU KUKUM MENJAYAKAN PROGRAM INI. TERIMA KASIH JUGA KEPADA SEMUA PIHAK DARI JABATAN-JABATAN DAN PUSAT-PUSAT PENGAJIAN YANG TURUT SAMA MEMBANTU MENJAYAKAN MINGGU SUIAIKENAL SIDANG AKADEMIK 2004/2005 DENGAN LANCARNYA. SAYA SUDAH DENGAN UCAPAN WASSALAMUALAIKUM WARAHMATULLAHI TAALA WABARAKATUH.